

شخا بیط

شعر



### شخاييط

المؤلف :

نبيل خلف

الطبعة الاولى:

2007

رقم الإيداع:

٢٠٠٧ / ٧٣٢

الترقيم الدولي: I.S.B.N.

84-9313-183 -19

حقوق الطبع محفوظة

لوحة الغلاف:

عن لوحة للفنان سلفادور دالي

تصميم وتنفيذ الغلاف:

كامل جرافيك

EDITORIAL HISPANO-EGIPTA  
**SANABEL**  
الإسبانية المصرية للكتاب

الإشراف العام  
د. طلعت شاهين

Mob.:  
(+20) 12 410 20 08  
e-mail:  
sanabook@maktoob.com  
sanabook@hotmail.com

# شخا بیٹ

شعر

نبیل خلف



دون کیشوت



بداية القول

أنا مش حاكم الكوكب

ولا امبراطور

ولا طمعان في غزو الكون

ولا تلزمني ثرواته ونجماته

ولا أراضييه

ولا باحلم بفدان قطن

ومصنع صلب أو أسمنت

وكازينو قمار

وبير بترول

أنا حلمي مالوش دعوه برأس المال

ولاستغلال

وفائض القيمه والعمال

ولا بماركس

ولا بسقراط

أنا باحلم بنوع بشرى بسيط جداً  
بيعرف يعنى ايه يضحك  
بدون ما يدلك العضلات  
عشان ما يفتح الشفتين  
ويتبسّم  
بدون شمه من الكوكابين  
أو الهيروين  
وحفله جنس جماعيه فى سيرك الننت

والفتارين  
بدون ملكيه للعقارات  
ومنتجعات  
فى نهر النيل ونهر السين  
ولذه مريضه فى استهلاك آخر ماركات  
وقص ولزق فى المناخير  
وفـ النهدين  
ورحله فى صاروخ ذرى يفسحهم على المريخ  
وفى العوده  
يفرجهم على المجاعات



وطفل اسود  
مفیش فی جسمه نقطه دم  
ولا یبانشی غیر الضلعین  
تانیها باقول  
یا حریه  
ماشفتش لسه انسان حر من لحظه بدایة الـکون  
ونفسی اشوفه قبل ما اموت

عصبیه لیه علی عقلی  
ولیه زغتی ورا الکوالیس  
وماعرفتش لیه معناکی من القوامیس  
ونظریات فلاسفه عظام

ومن حوارات لشخصيات هلاميه  
مع إبليس  
وم الحاخامات  
وم الرهبان  
ومن صوفى فى حالة عشق بيحفظنى فى الإنجيل  
وف التوراه وف القرآن  
تالته باقول  
يجوز شفتك على شجره  
بترمى جدورها على كنتفى  
وتتمرن على الطيران

وفـ ضحكـه رضـيع شمـك في لبـن الأم

وبـيشابـي

ويتـعلق في سرسـوبك

وفـ شـروقك

وفـ غـروبك

بـيشهـق من طوفـان الضـى والألوان

آخـرها باقـول

يا حـريـه

يا لـوليـه

في الف محـاره مخفـيه

يا جـنـيـه

يا كـافـره يا فـاجـره انا عـشـقتك

وفي عـشـقتك مالـيش دـيه

باهندس روحى  
فى روحك  
واظبط بوحي  
فى بوحيك  
وبامشيلك على ايديه

وناغيتك  
ولاغيتك  
وخر بشتك  
وعضيتك  
تدادينى بحنيه

2006/10/25

هناوس بصريه



السما حمرا  
ونبيتى  
والكون بيتى  
وجلابيتى  
الريح  
ماتأخذش عافيتى  
ولا حتحروقنى النار

انا عارف  
بس ماقولشى  
واللى يقول  
مايبعرفشى  
راح تتولدوا  
من رمشى  
ويموت كل الكفار

انا راقص كوني  
باغنى  
ومفيش سموات  
تشغلنى  
ولا باقعد غصبن عنى  
بين الجنه والنار

العالم مش بالواسطه  
مش كارت  
وورقة بوسته  
ونا بالنسبالى محطه  
باطرد منها الزوار



انا عقلی  
عقل جماعی  
والجنس البشری  
بتاعی  
یحسدنی علی استمتاعی  
ونا بارقص ع المسمار

الکون بانوراما  
دراما  
وف کل دقیقه  
قیامه  
ونا روحی تشع یمامه  
تخرج عن أى مدار

جسمى اصبح أزلياً  
شمولياً كونياً  
منطوياً باطنياً  
متأمل باستمرار

انا ضد ما هو مألوف  
وبانام على جلد خروف  
عادل ولكنى عطوف  
زى سنان المنشار

انا كهل وطفل برىء  
مابحش ايها شى  
ولا باكره ايها شىء  
ولا باشبط فى الأفكار

بالنيه  
ع البركه  
باصطاد الريح بالشبكه  
وف حجرى مليون سمكه  
تحذفها لى الأمطار

الروح رغوه وبقليله  
ف ابريق الشاى يا حليله  
والفرحه ماهيش هليله  
ولا رقصه على المزممار

عصفور روى بيحب  
يجدل ريشه ع الهلب  
جبل الجرانيت الصلب  
بيشده من المنقار

انا نضرونى العميان  
شمس بكل الالوان  
شففوا ومشفوا العرجان  
ونا باعرج ع الاشجار

الموت ساكن مش ضيف  
قمحايف فى كل رغيـف  
ونا وزن الريشه خفيف  
نحلايف فوق الأزهار

2006/11/9

رسمایه فی كهف من المرمر



كان عندى حصان ابيض وجميل  
مش فاكر امتى بقينا صاحب  
ولا فاكر مين فينا بيصهل  
مين فينا حصان  
ومين الإنسان  
ومين اللى انتطع المدخل  
بنحلم على شجرة تفاح  
ونشمشم على قمع السكر

ينفخ مناخيره فى مناخيري  
وننام على فرش من المخمل  
ماعرشى انا مين اللى رسمنى  
ونا باعقد ديلى كرباج و الويه  
واضربه بحوافرى واصرخ فيه  
من غير ما اتوتر ولا اخجل  
بيسرح عُرفى بمشطه العاج  
ويطبطب على ضهرى ويرحل

باسأله بنخير شبه الخنازير  
فسرلى معنى اللى بيحصل  
يتمختر ع التل ويضحك  
يكتب لى على الرمل مُغفل  
ليه تكسر بايديك الزير  
وبتشرب من نهر فى منخل

2006/11/10



تحت البحر



يا عروسة البحر  
يا كركوبة  
أنا باحلم  
ولاف غيبوبة

أنا تحت البحر  
سعيد وقنوع  
عيل مسروع  
يحضننى يجوع  
يقطم تفاحتى  
المعطوبة

أنا شفت غريق  
يشبهنى تمام  
قاللى يا غلام  
انسى الاحلام  
والموج والريح  
والزعبوبة

ان كنت أنا صاحى  
أو كنت باموت  
بيشد ودانى  
وبييعنى لحوت  
وكأنى جعران  
م النوبة

باغطس فـ الرمل  
مع الكراكيب  
وباشق هدومي  
شراشيب شراشيب  
وبالم عضامي  
باعجوبة

دمي فـ غرابيل  
تحت البراميل  
تدخل جوايا  
سمكة بأزميل  
وفـ قلعة روحى  
المقلوبة

الحوث بيدق  
فى بطنى طبول  
واكنس برموشى  
فتافيتى فى تلول  
ونا باعند  
ولا قلتش توبة

شعراية شعراية  
فى جسمى لسان  
تتشعبط  
على جبل المرجان  
مين يقدر  
يحدفنى بطوبة

2006/11/23

رباعیات مجنون





زيبق ولا تلج  
مطره ولا سفنج  
وف ايدي التفاحه  
ولا فص لارنج

أنا دائماً عطشان  
لجليب الغزلان  
ليه بازرع في سريري  
بستان م الدخان

انا لسه في الخلوه  
مع آدم مع حوا  
مع إبليس زفتهم  
حنيتهم في الجلوه

الشمس بتعصرنى  
ومفیش نقطة ميه  
والدم فـ مصارينى  
طرطش على رجليه

أنا وهمى وحقيقى  
وباغيم فـ شروقى  
باتوضى من دمی  
..وأتيمم من ريقى

الجنیه الهبله  
تضربنى بالنبله  
وباصلى ومش عارف  
راحت فىن القبله

عصافيرى ع الارض  
بتخربش وتعض  
ونا باحضن فى القنفذ  
من عضمى بيتخض

عاقل أو خرفان  
بارضع م الخرفان  
وباحط فى ضراضيرى  
أنياب التعبان

ويا حى يا قيوم  
انا عريان فى القلعه  
وبانشن يا نجوم  
ع السموات السبعه

2006/11/25

بیر الفرح



بیر الفرّح  
هفت علی مناخیری ریخته  
طلّعت فاسی من تحت البلاط  
وفحته  
وخلطت المسك بالسكر  
وبخرته  
وكانی ملك العجم  
عملت هودج م الياقوت والزبرجد  
وشلت شمعة روحی علی راسی  
ونورته

ونا بیری بیساع السما  
وکواکبها ونجومها  
ولکل واحد فرحته وقيمته  
وشربت من میته العکره سبع نوافیر  
والشهد انا کرهته  
لو تقبلوا عذری حاغنیلکم  
من کل لحن مقام

البیر انا سکنته  
وربطت قلبی بجدايله وعشقه  
ولا حد یشفعلی  
ویاخذنی من تحته

2006/11/25



سفينة الروح



يا سفينة الروح  
تبَلَّت الروح  
من كبد الحوت  
ومرارة نوح

ومفیش دبّان  
على قمع السكر  
ولقلبی سنان  
تندغ فی السكر

يا هلالى  
يا حدوه لحصانى  
دى حلاوه القلب  
..على لسانى

انا وطنى فى حجرى  
لما أجرى  
..ومانيش رسمالى  
ولا أجرى

والعقرب  
لما بيتمختر  
انا بافرك ديله  
بالزعر

وزرعت الريش  
فى جناح جبريل  
وعيون الشمس  
عبونى فى الليل

الطير مدبوح  
على كل سطوح  
قلبي المفتوح  
بلسم يا جروح

احضنى يا موت  
أنا باستناك  
أعلامى هناك  
على كتف ملاك

2006/11/26

عطسة آدم





ناقر يا نقر  
ويا طير ناقر  
فـ الأرض العازبه  
شجر عاقر

شعره فى عجيب  
ومائيش شاعر  
مع إني جنين  
مولود شاعر

تولدنـى يا ريح  
عطسة آدم  
ولكنى رميت  
سروال آدم

الخل فـ حاجبي  
وع المناخير  
والشحم فـ قلبي  
سبع قناطر

على حبل الروح  
كل كنوزي  
ولا عمري اتدببت  
على بوزي

مين نزلني  
في بير المسامير  
وسرق مني  
كيس الدنانير

وتقاوى جنينتى  
النيروزى  
وكساوى القبه  
الفيروزى

على وش القفه  
انا كيشة عضم  
من كُتر العفه  
سريع الهضم

وبيوزننى  
على إيه الوزان  
بطرح منى  
ملح الأحزان

شاحب الوجنات  
يارياح أمشير  
باتفتفت ليه  
زى الطباشير

الكون بيلف  
يللمنى  
وملايكة بتصرخ  
وتلومنى

زغللى  
بياض عينك يا غراب  
ويشق البرق  
جفونى يا سحاب

2006/11/28

العالم



بَتَتَكَّسَ الْعِلْمُ  
وَنَا بَارْفَعِ الْعِلْمُ  
وَبِتَمَسُكِ الْأَسْتِيكِهِ  
وَنَا بِأَمْسُكِ الْقَلَمِ

حَطَّيْتُ عَلَى قَلْبِي  
الْقَفْلُ  
وَأَنْفَخَ بِمَزَاجِ  
النَّفْلِ

خَصَلَاتِ شَعْرَهَا..  
يَا سَنَابِلَ  
طَلَعَتْ عِ الْبَرْجِ  
فِي بَابِلَ

العطر  
في القُبْل  
ع البرج  
وع الجبل

جيت ابوس  
خد القمر  
بتكعبلني  
النُقَر

والسما تحكي  
يا نهار  
في الليل  
كل الاسرار



القلب الأسد

النمر

دوده فى نوايه

التمر

نمرود

م النمرده

ونا باسكر

م الندى

ازاى يسحرنى

الحسن

..ونا وجهى

وجه الحسن

النحلة لما  
تزن  
الورده تصوم  
وتتن

بالعشق مبتلى  
يا سيدنا الولي  
الشمس أعلى من الحيطه  
لكن في منزلى

الشجره الاختر  
الأم  
جدرها منقوع  
فى الدم

والعدل

زمرده

تتبعتر

بغدده

انا فيل دغفل

ومغفل

بافتح

مش عايز اففل

وَمُصْرٌ أَنْفَخَ  
فِي الصُّورِ  
وَأَتَتْ طَغْيٌ  
فَوْقَ السُّورِ

2006/11/29

المجيم والنعيم



فوق رموشى

الدم واشى

باللى حاصل

فى فراشى

شموا فى قلبى الشياطين

وبضوا فرى قلوبى

قلت هو

يا خلق هو

دمى كله فى التراب

الحسوه

قلت خير

إن شاء الله خير

صوتى حشرج

م الجعير  
لحمى  
فى نخالة الشعير  
فرقوه ع البعير

أعمل إيه  
بالعيال والمتاع  
والحريم والجِماع  
والجنون فاض  
م النخاع

قالوا ليه  
لبست القميص  
لونه باهت  
م الرخيص  
قلت آه ع الجواهر  
كنت شاعر مش حريص



صدقوني الحزن فاطر  
إمحووا إسمي من الدفاتر

مش عايزكوا تونسوني  
إفضحوني وجرّسوني  
مش حيفرق زمني لاغير  
عن جنوني

عبثاً حلمت وم العبث  
لما رصعت من الجثث

كنت ظاهر للعيان  
ولأف شقوق الحيطان  
اللى شفته كان ديدان  
ولأ شمع الشمعدان

الحرير والصوف خشن  
والمخده فى الكفن

الغزاله فى طرف كُمى  
والتعالب حجر أمى  
وإتولدت ولأ لسه  
فى الرحم باشرب فى دمى

من دموعی شرقت شرقه  
شقوا صدري قلت لأه  
اليافوته بين ضلوعي  
وحيه حمرا في دايره زرقا

كنت فار ولا قطه  
ممکن أفطس م الزغطه

هندي ولآ م المجوس  
قالوا فردوس قلت ادوس  
في الجحيم والنعيم  
ليه بتتساوى الرؤوس

احضنيني يا أمي مريم  
صدرى كعبه ودمى زمزم

2006/11/30

الرقص على السلام



بطّلت الرقص ولاّ  
أنا لسه مُنتشى  
مخمور على السلاّم  
بالبدله المشمشى

وزرعت بُرعمه  
على كُل سلمه  
طلعت من فوق رقبتى  
م الأرض للسما

أنا ممكن أكون سعيد  
بافرح فى كل عيد  
بارسمكم ليلة الوقفه  
فـ وشوشكم التجاعيد

أحد الله الواحد  
صدقني أنا مش جاحد  
لكن سيراميك السلم  
بارد ع الزاهد العابد

الليل مركب اصدا ف  
عين الشمس الخُطاف  
بتشد اللؤلؤه  
تديها للسيا ف

للظاهر والخفي  
قلب العاشق وفي  
لما ارقص ع السلا م  
البدر بيخفي



القلب ينط في صدرى  
بيقوللى وهو بيجرى  
ليه تحبسنى فـ ضلوعك  
قدرك مش هو قدرى

يدن ديك الحبش  
لكل مَنْ رَمَشَ  
ينقرنى من عنيه  
وبينتف النمش

هلاهيلي على هلاهيلي  
تصبغنى النيله النيلى  
باتعري ليه من جلدى  
واتبول على سراويلى

يا هلال يشبه حواجبها  
أنا تحتها وراكبها  
فـ غروبها انا بارغبها  
فـ شروقها بامشي واسيبها

يا رسايل مين الراسل  
دى ضفاير ولا سلاسل  
بتكفنى فى عيونها  
وتغسلنى فى مغاسل

انا باشكر ربى يا قلبى  
ع القدر المستخبي  
وأندغ فى لسانى بسنانى  
وباتف الدم فى عبي

2006/12/1

أنا الآخر



أنا الآخر

وجوايا

باحسه

لما بانقاييا

ولما اتلوى فى التواليت م القولون

أنا وهو بنعمل كون

مفيش غيرنا بنسكن فيه

من الانسان

وم الحيوان

وسماواته  
نَشْخِطُهَا بِنَقْطَةِ حَبْرٍ  
ونجماته  
نُخْرِشُهَا  
بذرة ماس من الكريون  
مفِيش إنسان من الفخار  
ولا إيليس بيعصى الرب  
ولا كفار  
مفِيش حوا ولا آدم  
ولا هروب تانى م الجنة  
ولا م النار

ونا أُمى ماهيش خاطية  
ولا بتزنى مع الفجار  
ولا بيلحسها كلب أسود  
على الاشجار  
أنا أُمى من الازهار  
وابويا الفحل ذكر النحل ينكحها  
ومن غير عار تخلفنى  
وتحدفنى فى حجر الريح  
وفـ سبوعى  
بتشربنى مع الامطار

ليه الآخر  
بيستغفر  
وروحى فـ روحه  
تتغفر  
ومين يحدفنا بالطوبه  
يا زعبوبه  
ومين بيسب ويكفر  
ومين قدّه  
أنا ضده  
نخش فى بعض نتبخر  
وسر الكون فى ذراتنا  
بيتشفر

2006/12/10



الولد البكرى



يا ماشطه سرحيني  
المشط مشرطى  
فى المنخل غربليني  
سمى وخرطى

اجبر بخواطرى يا جابر  
الديك أخرس يابراير  
وبيقطع حبل الصُرّه  
يحدفه للبوم العابر

الولد البكرى اسم الله  
قيّدوا الشمعه فى القلّه  
صلوا على سيّدنا محمد  
لما عبس وتولى

ما تشدوا التلغراف  
للفقها والعلاف  
فرّقوا فـ سبوعه الخردل  
وخساره العيش الحاف

الاعمى يا حور العين  
مولود من غير جفنين  
حنشيله زى القفه  
فى اللفه م الودنين

مسمار البطن حليب  
ازای نسقيه لغريب  
يشبع من مص صباعه  
والجوع مش عار ولا عيب

طاهر يا مزین طاهر  
ابنی الاعمی مش طاهر  
خللی مقاس القطعیه  
من کیسه لحد الآخر

يا حلاوه على الكوابيس  
لابس ابيض يا عريس  
ترضع من دم الحيض  
و تتفه على الفوانيس

عاجيز فـ سريري بتلطم  
ونا باضحك من غير ما فهم  
مش فاكر والله أعلم  
طرطرت عليهم علقم

2006/12/10

شخايط





زر الطربوش  
يا أفنديه  
اطول من ديل الجلابيه  
باتكعبل فيه  
ونا ماشى باغنى الرباعيه  
والعود مكسور مافيهوش اوتار  
وتتيت الريشه الصبحيه

من نُقره لنُقره أنا ماشى على فين  
فوق سور الصين أو سور برلين  
ولاً ف حوارى الحليمه  
باتدحرج ليه وسط العواجيز  
ودونى يا معيز درب الجماميز  
حازرع جميز فى الفسقيه

بين طبل الزار  
وبوص المزمار  
انا بانزف ليه كل الاسرار  
وباريل ليه دمع عنيه  
هنا هو ترابيس  
هنا هو متاريس  
هنا هو مصارينى فى النمليه

شخبط يا عبيط  
كل الكراريس  
واحلم بالجنه فى الكوابيس  
واشبط فيّه  
انا ع القهوه باشرب شيشه  
ويا الجنيه النكريشه  
والآلاتيه  
فوق راسى جرسون  
قالع الكلسون  
بيرص الفحم على عنيه

2006/12/12

ألبوم صور



ألبوم صوّر  
نسيته من مليون سنه  
عفاريته تتطط قصادى ع الحيطان  
وتزقنى فى السندره  
فتشت فيه عن صورتى لما كنت طفل  
لزقت صوابعى فـ بعضها  
قطعتها  
وبلعتها

م النشوہ أفر  
وباستلذ  
من دم حامض فى الغرا  
والغرغره  
أخرس صحيح  
باقطع لسانى بحبل دايب من حبال الحنجره  
لكن باحب الثرثره

2006/12/14

الشمس حره





الشمس حره  
وانت حر  
تقلع هدمها فى الشروق  
وتحك رجليها بحجر  
تنتف فى باطها الشعر لاصفر بالإبر  
تقصف رموشك م الحذر  
وتمنعك من النظر  
الحسن نور

وانت بشر  
بيدوبك  
الضى فى نقطه مطر  
اثبت مكانك ماتكابرش  
لا انت قادر ع الهروب  
ولا ع السفر  
مليون شعاع فى الغروب  
ببشدا فـ عيونك القزاز  
ويلقوك من خصيتك  
حيقرصوك  
ويحمصوك  
وتموت لوحذك ع الشجر  
ما انتش نتايه أو دكر.

حصان الضل



نفق عتمه  
وأخره نهار  
بيطوّل كل ما خطيت  
وأهل البيت  
من الزوّار  
يرصوني في آخر الصف  
وأخر الصف دحديره  
وتلّ توار

وأهل الحلم كتبوني فـ دفاترهم  
رقم زيرو  
بطل هيرو  
مفيش غيره يخش النار

يا شمسي العوره غميتي  
باخاف م النور  
باخاف م النار  
أنا مبهور من العتمه  
وم الاسرار

حصانى الضل مش سيسى  
بىرفس كل فوانيسى  
يدق الحدوه فى كعبى  
يابرديسى  
ونا بازحف على ركبى  
وبانزف دهن م الوركين  
وم المنخار

يا كودية زار  
يا إبلىسى  
يا نور على نور  
فى كوابيسى  
أنا المختار  
وفردوسك  
وفردوسى  
مالوش أسوار.

هيلا هوب





هَيْلَا هُوب هَيْلَا هُوب  
هَيْلَا هُوب  
درويش من غير هلاهيل  
ولا زماره وشخايل  
ولا بانفخ جلدی و ادب  
فی المولد سيدی رفاعی  
فرطت فی کل متاعی  
ونا باشحت کيلة حُب

اراجوز منبوذ وعجوز  
مناخیری قد الکوز  
ولذیذ فی فنون الکرب  
الموت  
عجمیه  
وهریسه  
وعسلیه  
ونا بالحس قد ما احب

أحلامي  
في جراح  
تتقصص  
في المونتاج  
واعمل ماكياج واهرب  
شمانزي بكاب وصديري  
لبستى البدله الميري  
وحزام اصفر مُذهب

يا رفيق  
يا صديق  
شخلعنى على الخوازيق  
رقصنى يا واد ع الهلب  
متعته  
وسعاده  
خد منى كثير  
بزياده  
قرقش فى فصوص القلب

والكبد  
والكلوه  
والفخد  
والعكوه  
واشرب من دمي وعب  
باشرق  
لما بتشربني  
واشهق  
من كتر ما صابني  
واغطس جواك ما باقب

هَيْلَا هَوْب  
يَا ضَبِيع يَا دَب  
ادْبَحْنِي  
فَرَحْنِي  
أَنَا مَحْنِي وَعَمْرِي مَا أَشْب  
بِتَرْفِ الرُّوحِ فِي سَطُوحِ  
تَكْشِفِ سِرِّي الْمَفْضُوحِ  
وَتَهْوِهُو زِي الْكَلْبِ

عَمَلُولِي الزَّارِ فِي جَهَنَّمَ  
مَغْرَمٌ بِالنَّارِ وَمُتِّيمٌ  
مَلِيتُ مِ الْجَنَّةِ يَا رَبِّ

2006/11/20

على السلام



أنا صاحی  
ومش باحلم  
طالع دلوقتی  
ع السلم  
صحيح عريان  
یا سلاّم  
بتاع نسوان  
یا هوانم  
لكن طاهر  
ومستوره

وقفل مصدى  
ع العوره  
وفلتر فحم  
ع القوره  
يفلتر وشى  
فى الصوره  
يحاكمونى  
شهود الزور  
لسانى  
يربطوه فى الزور



سیدی القاضی  
مانیش راضی  
تحاسینی  
علی الماضی  
ولا المجهول  
ولا المعلوم  
وإسأل  
اسرة المرحوم  
بافتش فی  
زبالتهم  
وادورّ فین  
أدلتهم

صباغ الروچ  
ومیکرکروم  
وئقع المنئ  
فـ البدروم  
ومیکروسکوب  
وساعه جیب  
ودیک مدبوح  
بیدن عیب  
وعقله من  
صباغ زمار  
بتلعب لسه  
فی المزمار

بمشط قديم  
من الكناس  
كنست الوهم  
والوسواس

أنا اللي سِكنت  
فى حوشهم  
ولحم عيالى  
فـ كروشهم  
لكن باضحك  
واناوشهم  
وصورة دمي  
فى وشوشهم

2006/12/20

يا مرجيحة



يا مرجحه  
يا مجنونه  
يا ملعونه  
أنا محبوس فى كون واحد  
تودينى لمليون كون

ونا مجنون  
وباتطوح  
ورد سجون  
ماليش مطرح  
غير الكراكون

شربت البول  
مع الیخنی  
ولا حدش یوبخنی  
أنا مش طایق الریحه  
وألوانك تدوخنی

قولیلی یا عیون  
یا شبکیه  
..یا قدره فی طشت م الأسفلت مکفیه  
حاشوف ازای  
وملیار لون حوالیه

یا نحلہ ادینی عدساتک  
شُعیراتک  
بُصیلاتک  
حاشم اللون فی ورداتک  
وحابعد عنک الدبابیر



وحلى يا شمس فى ضفايرك  
ولا تعيرينى ولا اعيرك  
ومطى جفونى بالليزر  
وشدى الننى بالجنازير

تفيض الأرض

..ما بالومها

وباتتطط

على خرومها

ورايدانى

ورايدها

باراودها

والودها

ونا سيدها ومخدومها

في جوف الأرض يازلزل

أنا نازل

حاحمّيها

واسرّحها

حاخدها غصب

وانكحها

حالخبطها

وامر مطها

واشد ف باطها م المواخير

2006/12/21

أنا فرحان



أنا فرحان  
وباضحك أهو  
وشهد الفرحة في دموعي  
ومش زعلان  
من الإنسان  
وأيهما حد  
من نوعي

ايه المانع يا ام قويق  
ما اغير نوعي واتمتع  
اموت تاني  
واعيش تاني  
..في ريش هدهد  
وشوك قنفد  
ونجمه بتطفى وتولع

يا فكهاني  
مفیش كانی ولامانی  
سُباطة الموز فی دکانی  
ومعصرتك على سریری  
يا شربتلی  
ونا باجزع من السكر  
يا حلوانی  
يا حدوته  
أنا اشطّر من الشطار

لكنی باموت  
وبافر فر  
ووشی اصفر  
وصابنی عیار

وم المدهش  
ما باتخصش  
واعيش اكر  
ونا عايش  
وباتعايش  
مع السونكى  
مع القايش  
وطلقه تصيب  
وطلقه تخيب  
وادلك قلبى بالرايش

باعيش فى الموت  
بحريه  
باعبط فيه  
واسقف له برجليه

ودردشنا  
وقلتله ايه حصل فيّه  
يشيل كفنى من الشماعه  
ويبوسنى  
ويتهد بحنيه  
بقينا صحاب  
ولسه الحرب علنيه وسريه

2006/12/22



الدائره



قلم مقصوف

وبرآيه

وسن رصاص على الهامش

ونقطه حبر

في دوايه

وبرجل يرسم الدايه

بشعرايه

في دبوس رسم

باتعكز  
وانتبت روى فى المركز  
بسلایه  
والف وادور  
بلا نهايه  
سيمافور قطر  
فى قفايا

ولما بادوخ  
بلترین زيت من الباكم  
بافرمل رجلي واتمضمض من العادم  
واقطر ريقى يا عوالم  
فى رادياتير  
وكوبايه

واغنى قديم  
واغنى جديد  
ياليلة العيد أنا موعود بنجمايه  
ماطلتش حتى شمعايه  
وف الكراس  
ورق فوتو من الحساس

وفحمایه  
وفـ الدوران  
ونا فرحان  
باقطع كل اوراقى  
وباعمل ورده م السيلوفان  
ونحلايه

2006/12/25

## فهرس

5	دون كيشوت
13	هلاوس بصريه
21	رسمايه فى كهف من المرمر
25	تحت البحر
31	رباعيات مجنون
37	بئر الفرح
41	سفينة الروح
47	عطسة آدم
53	العالم
61	الجحيم والنعيم
69	الرقص على السلام
75	أنا الآخر
81	الولد البكرى
87	شخايط
91	البوم صبور
95	الشمس حره
99	حصان الضل

**103**

هيا هوب

**109**

على السلام

**117**

يا مرجحه

**123**

أنا فرحان

**129**

الدائره



## سيرة ذاتية

الاسم: نبيل سليمان خلف

اسم الشهرة : نبيل خلف

المؤهل: بكالوريوس تجارة - قسم محاسبة 1969

تاريخ الميلاد: 15/7/1947

-شاعر وكاتب مسرحي

-عضو المجالس القومية المتخصصة (شعبة الأدب)

-عضو إتحاد الكتّاب

العنوان: 22 ش الخليفة المأمون - مصر الجديدة

### الجوائز:

1- حاصل على الجائزة الأولى في أدب الطفل لعام

2003 من إتحاد الكتّاب.

2- حصلت مسرحية كوكب ميكي على جائزة أفضل

عمل مسرحي، بالإضافة إلى سبع جوائز أخرى في

مهرجان مسرح الطفل العربي بالأردن لعام 2003

تحت رعاية جلالة الملكة رانيا العبد الله.

- 3- حصلت مسرحية فراشة الأميرة الحمراء على الجائزة الذهبية في مهرجان الفيوم للأطفال عام 2000.
- 4- عُرضت بعض أعماله الروائية والمسرحية للعرض في معرض فرانكفورت الدولي بألمانيا في أكتوبر، كما دُعِيَ لحضور الندوات التي أقيمت حول فعاليات المعرض لتقديم محاضرة عن أدب الطفل، كذلك اشترك في فعاليات معرض في ليبزج.
- 5- تُرجمت مسرحية الأم الخشبية وفراشة الأميره الحمراء إلى اللغة الفرنسية بمعرفة دار نشر في باريس، كما تمت ترجمة قصة الأم الخشبية إلى اللغة الروسية، وجاري إعدادها للعرض على المسرح الروسي للعرائس بكيف.

#### الأعمال:

##### 1- مسرحيات وأوبريتات للأطفال:

- |          |                         |
|----------|-------------------------|
| عام 1999 | - الأم الخشبية          |
| عام 2000 | - فراشة الأميرة الحمراء |
| عام 2002 | - أرنب وعقرب وفيل       |

- كوكب ميكي عام 2003

2- حكايات وروايات للأطفال:

- عطاء رواية عام 1990

- الأم الخشبية حكايات للأطفال عام 1993

- سمكة الشمس حكايات للأطفال عام 1993

- الرجل الغراب في غابة الضباب

- رواية علمية للفتيان والفتيات عام 1996 (دار الشروق)

- فراشة الأميرة الحمراء

- رواية علمية للفتيان والفتيات عام 1998 (دار الشروق)

- زهرة اللوتس والصفدع الثور

- رواية للأطفال عام 2001

- النهر الذي يعزف الموسيقى

- رواية للأطفال عام 2002

- ثورة الأطفال عام 2002 (دار الشروق)

3- الشعر :

- الولد الرسام

الطبعة الأولى 1985، الطبعة الثانية 2001

- قمع السكر عام 1998
- الأمير الصغير عام 2001
- بهلوان عشق وحنان عام 2001
- الحب زى الجوع عام 2001
- إمتى الكون يبرد ويموت عام 2001
- حلم النملة عام 2001
- ثلاثيات عام 2001
- بنت بنوت عام 2002

#### 4- السيناريو:

- راما وجينا
- مسلسل علمي للأطفال عام 2002 (صوت القاهرة)
- هتلى فى البحر الأحمر
- فيلم للأطفال عام 2001 (لم ينفذ بعد)
- 3030-
- فيلم علمي للأطفال عام 2000 (لم ينفذ بعد)

5- الدراسات:

- دور الأدب والفن في وقاية الطفل من الإدمان (تحت الطبع).
- طفل الأحلام أم طفل الكوابيس - صياغة جديدة  
لسيناريو العنف عام 2002.

من إصدارات " سنابل "  
الإسبانية المصرية للكتاب

- أن تعيش لتحكي  
السيرة الذاتية  
جابريل جارشيا ماركيز  
ترجمة: د. طلعت شاهين
- ذكريات  
رواية  
تأليف: جابريل جارشيا ماركيز  
ترجمة: د. طلعت شاهين
- نضارة شمس  
شعر  
عطية حسن
- جماليات الرفض  
في مسرح أمريكا اللاتينية  
دراسة  
د. طلعت شاهين
- القمرية  
رواية  
تأليف: سميحة خريس
- حكاية أيراندير البرئية  
رواية  
تأليف: جابريل جارشيا ماركيز  
ترجمة: د. طلعت شاهين
- بين انكسار الحلم والأمل  
شعر  
سيد جودة

- من حلاوة الروح  
رواية  
صفاء عبدالمنعم
- قطرات الماء  
تأليف: ميديوروما شون  
ترجمة: د. أحمد فتحي
- كتاب العشق والدم  
شعر بالعربية والأسبانية  
طلعت شاهين
- قيامة البحر  
شعر  
د. قرشي ندر اوي
- رجل عدن  
رواية  
تأليف: كلارا خانيس  
ترجمة: د. طلعت شاهين
- إلا .. تعال  
شعر  
سهير الداوود
- كائن العزلة  
رواية  
محمود الغيطاني
- مملكة الجوارح  
رواية  
د. زينب أبو سنه
- الورد ملء الليل  
شعر  
رضا العبيدي
- طائر الشوك  
شعر  
د. زينب أبو سنه

1